

fi pitoyable, pource qu'estât deux elles s'estoient secouruës l'une l'autre, elles estoient neantmoins grandement abbattuës, l'ennuy d'une si estrange folitude est bien fascheux; n'auoir autre lit, ny autre couuert, ny autre compagnie, ny autres viures, que le lit, le couuert, la compagnie & le viure des bestes, c'est mener vne vie plus miserable que la vie des bestes: ces deux femmes trouuerent le moyen de faire du feu: mais l'autre n'eut pas l'inuëtion, n'ayât point de coufteau; bref apres qu'on les eut remis en bon point, on leur donna à chacune vne robe & vn canot d'écorces pour aller trouuer leurs maris qui estoient à Saint Ioseph proche de Kebec.

Le feiziefme de Iuillet, vne autre prifonniere parut aux Trois Riuieres, elle auoit tenu vn chemin different des precedentes, la pauure miserable n'auoit que la peau estenduë sur les os, son regard estoit affreux, ses yeux paroissoient comme enfoncez dâs vne teste de mort, on ne voyoit plus de joües sur son visage, ses levres colées sur les machoires representoient plustost vn trespasfé qu'une personne viuante, [41] ayant esté charitablement receüe, elle raconta leur prise & leur voyage, vne femme disoit-elle de nostre bande, craignant la fureur des ennemis me parla de se faire mourir, ie vis bien que cela procedoit de fureur, ie luy respondis qu'il se falloit fauuer, & non pas se deffaire: mais cōme c'estoit vne vraye Megere ennemie de la Foy, elle n'escouta point ce conseil, jettant la main sur son enfant, elle le maffacra & le jetta aux pieds des Hiroquois; puis ayant passé sa teste dans vn licol, elle tiroit d'une main pour s'estrangler, & de l'autre elle se coupe le gosier avec vn coufteau. Mais helas! elle trouua bien-toft vn feu